

FAKKEL-FLITSE

Weeklikse nuusflitse vir 'n ingeligte Framesby-familie!



UITGAWE 320 • 13 OKTOBER 2023

Kontakbesonderhede: mediasentrum@framesby.co.za

ISTE KRIEKETSPAN VAAR PUIK

Maandag, 2 Oktober 2023

Framesby eerstespan vs Swartland
Framesby wen die loot en boul eerste.
Swartland behaal 90/10

Beste boulders:

Logan Fleetwood 22/3 in 8 beurte.

Taine Douw 16/2 in 3 beurte.

Juan Grigor 39/2 in 8 beurte.

Hanro van Jaarsveld en Juanré de Vos
neem elkeen ook 'n paaltjie.

Framesby behaal 91/0

Beste kolwers:

JJ de Lange 50* (32)

Dewan Wessels 31* (24)

Framesby wen met 10 paaljies.

Dinsdag, 3 Oktober 2023

Framesby eerstespan vs DF Malan
Framesby wen die loot en kolf eerste.
35 beurte

Framesby behaal 103/10

Beste kolwers:

Logan Fleetwood 25 (49)

Juanré de Vos 24 (16)

DF Malan behaal 92/10

Beste boulders:

Logan Fleetwood 21/4 in 6.1 beurte.

Hanro van Jaarsveld 18/3 in 5 beurte.

Taine Douw 16/2 in 6 beurte.

Framesby wen met 11 lopies.



Saterdag, 30 September 2023 (50 beurte)

Framesby eerstespan vs Charlie
Hofmeyer

Charlie Hofmeyer wen die loot en boul
eerste.

Framesby behaal 122/3 in 22 beurte.

Beste kolwers:

JJ de Lange 40 (42)

Hanro van Jaarsveld 25 (38)

Luwagean Goliath 22* (48)

Uitslag onbeslis as gevolg van reën.

LEERDERS PRESTEER BY AFRIFORUM SE NASIONALE DINK-OF-SINK-SKOLEDEBATKOMPETISIE

Leerders presteer by Afriforum se nasionale Dink-of-Sink-skoledebat-
kompetisie. Beide Hoërskool Framesby se junior en senior debatspan het
die Oos-Kaap op 7 Oktober 2023 in die nasionale rondte van Afriforum se
Dink-of-Sink-skoledebatkompetisie verteenwoordig. Die junior span –
Therese Otto, Francois Smit en Jané Steyn – stof groot skole uit om derde
in die kompetisie te eindig. Milla van der Merwe, Alexia Meiring en Mieke
Jamneck ding mee as ons senior span en ons kan met trots sê dat hulle
een van die top 5 skole in die land is. Hierdie opwindende kompetisie,
wat deur Afriforum geborg word, het 'n nuwe, dink-op-jou-voete-wêreld
vir ons leerders oopgemaak. Framesby sien uit na 2024 se kompetisie,
waarvan die oosstreek se uitdun weer by Framesby sal plaasvind.



FRAMESBY-OPVOEDKUNDIGE TRUST

KLUB 1000/100

barometer



HIERDIE WEEK SE FAKKEL-FLITSE WORD MET TROTS GEBORG DEUR:
SUNRIDGE VILLAGE

NETBAL LEWER TOPUITSLAE BY FAST 5 TOERNOOI

FAST 5 SA SKOLE DAG 1:

O.15

Pietersburg HS 23-16 wen
Wilgerivier 32-19 wen
Kalhari 27-16 wen

O.17

Jim Fouche 2 24-4 wen
Bergsig 18-11wen
Diamantveld 25-15 wen
Merensky 20-9 wen
Spanne nog onoorwonne.

FAST 5 SA SKOLE DAG 2:

O.15

Monument16 -32 verloor
Pietersburg HS 28-21 wen
Genl Hertzog 25-22 wen
Eindig algeheel 5de

O.17

Dinamika 16-23 verloor
Potch Gimnasium 19-28 verloor
Transvalia 24-25 verloor
Pearson 18-17 wen
Algeheel 7de



VERJAARSDAE DIE WEEK

SATERDAG • 14 OKTOBER

Lee-Anne Nel
Maryke Stiglingh
Zandri Stumke
Amisha vd Walt
Johannes vd Walt

SONDAG • 15 OKTOBER

Larnay Badenhorst
Bwin Cloete
Luc le Grange
Annika Smit
Paul van Heerden

MAANDAG • 16 OKTOBER

Elizabeth Notley
Mia Terblanche

DINSDAG • 17 OKTOBER

Ana jv Vuuren
Ryan O'Ehley

WOENSDAG • 18 OKTOBER

Cornelius du Preez
Danay Havenga
Aldrich Steyl
Luke van Staden

DONDERDAG • 19 OKTOBER

Larne Halgreen
Nadine Massyn
Mika Strydom

VRYDAG • 20 OKTOBER

Lume Barnard
Mieke Jamneck
Yelcqe Kotze



UIT DIE HOOF SE KANTOOR:

Beste Ouers

Ons innige simpatie aan Risé-Mari Theron (Graad 11) en haar gesin met die afsterwe van haar moeder. Ons bid die Here se vertroosting vir hulle in hierdie moeilike tyd.

Ek lig die volgende belangrike punte uit:

A) FINANSIËLE VERPLIGTINGE

'n Woord van groot dank aan alle ouers wat hul skoolfonds getrou betaal! Julle is beslis 'n vreugde om in die skool te hê!

Daar is egter ouers wat in gebreke bly om hul skoolfonds te vereffen en wat van ongewenste taktiek gebruik maak om die skool te ontwyk. Hierdie ouers moet besef dat u leerders nie al die voorregte wat HS Framesby bied sonder betaling kan gebruik nie. Dan is daar baie ander skole waarvan u gebruik kan maak wat nie die voorregte het wat HS Framesby bied nie.

Hierdie ouers moet kennis neem dat in die onderwyswetgewing wat goedgekeur moet word, die verskaffing van vals inligting 'n oortreding is. Let veral hierop.

BETAAL U SKOOLFONDS! DIS DIE REGTE DING OM TE DOEN!

Alle ouers moet kennis neem dat skoolfonds oor 12-maande betaalbaar is, en dat alle betalings voor 7 Desember 2023 afgehandel moet wees. Enige reëlings kan by Mev. A Germishuys by skoolfonds@framesby.co.za getref word. Neem kennis dat oorhandigings na die skool se regsverteenvoordiges op 15 Desember 2023 sal geskied.

B) NOVEMBER-EKSAMENROOSTER – GRAAD 12

Aangeheg die November-eksamenrooster van die Graad 12's.

Ouers, u moet toesien dat graad 12-leerders goed voorberei vir die eindeksamen. Alle sosiale aktiwiteite moet uitgestel word tot na die eksamen. U samewerking word hoog op prys gestel.

C) NOVEMBER-EKSAMENROOSTER – GRAAD 8 TOT 11

Aangeheg die November-eksamenrooster van die grade 8 tot 11's. Die graad 9-leerders moet kennis neem dat hulle in AFRIKAANS/ENGELS/WISKUNDE/NW/EBW eksterne vraestelle, soos op die rooster aangedui, skryf. Die werksafbakenings sal einde volgende week aan alle leerders uitgegee word.

D) WISKUNDE STANDAARDTOETS – GRAAD 10/11

Alle graad 10- en 11-Wiskunde leerders skryf Maandag 16 Oktober 2023 hul laaste standaardtoets (SGA). Leerders moet om 07:15 reeds in hul skryflokale sit.

E) OUERBEGROTINGSVERGADERING

Aangeheg Omsendbrief 1/2023. Hiermee stel ons u in kennis van die algemene ouervergadering op Dinsdag, 14 November 2023 om 19:00 in die skoolsaal vir die goedkeuring van die begroting vir 2024.

F) FAKKELFLITS

Ek moedig u aan om die Fakkelflits deeglik te bestudeer. Hier hou ons u op hoogte van alle gebeure en prestasies. Dit is op Framesby se Facebook-blad beskikbaar.

G) DIE HANGER

Sien weekliks die Fakkelflits vir inligting.

H) DIGITALE TEGNOLOGIE – GRAAD 8

Leerders doen hul PAT-prakties vanaf 10 Oktober 2023 tydens klastyd. Leerders moet elke dag skool bywoon sodat hul PAT-prakties volledig voor die eksamen afgehandel kan word. In die eksamen skryf hulle slegs 'n teorie vraestel.

Ek dank u vir u volgehoue ondersteuning. Soos ek dikwels vir u sê: Die toekoms van Hoërskool Framesby is blou en goud! Kom ons werk almal saam om dit so te hou.



MARIUS GERMISHUYS
SKOOLHOOF



BUITESPORT: PLUIMBAL

Die volgende leerders het aan die S.A. 0.17 Pluimbal Kampioenskappe in Oos-London gedurende die skoovakansie deelgeneem.

Hulle het 48 wedstryde gespeel tydens die Inter-provinsiale gedeelte van die toernooi en dié span eindig in die 14de plek. Die volgende Framesby-leerders ontvang gradering in die D-Afdeling van die kampioenskappe:

Dogters

1 ste plek - Danél Pieterse

2 de plek – Mé-Jean du Preez

Seuns

5 de plek – Jacques Benade

10 de plek – Tiaan Benade



FRAMESBY ATLETE LEWER TOPKLAS PRESTASIES IN DIE REËN

Die Framesby atlete het Saterdag in die reën topklas prestasies op die baan tydens 'n ASA OP Liga byeenkoms gelewer, selfs nadat al die veld- en hekkiesitems gekanselleer was as gevolg van die weeromstandighede. Die uitslae is as volg:

1ste

Jano Janse van Vuuren, S15, 200m

2de

Anneke Grobler, D15, 100m

3e

Kayla du Preez, D15, 100m

Minke van der Merwe, D15, 400m

Zané Jubber, D17, 1500m

Dallian Oerson, S17, 3000m

4e

Anneke Grobler, D15, 400m

Jodia Steenkamp, D15, 1500m

5e

Luka Bessinger, S15, 200m

Kirsty Groenewald, D15, 400m

7e

Kirsty Groenewald, D15, 100m

Guerra Ntuli, S15, 800m

Niel Kruger, S17, 800m

Cleushey Jansen, S17, 3000m

9e

Stefan Boshoff, S15, 800m

MATRIEKAFSKEID

Gr 12's lyk spoggerig op glansaand

Die gr 12's het die mistieke wonderwêreld van 'n woud betree. Hulle het bygedra tot die glans van die aand met hul pragtige uitrustings. Die blou uniforms is verruil vir deftige vere. Ewe skielik was dit nie meer die leerders in die klas nie, maar elegante jongmense.



ZANRI BREEK NOG 'N REKORD

Hoërskool Framesby se tweekampatlete het uitstekende prestasies by die 3e liga byeenkoms in die Oktober vakansie gelewer. Zanri skitter nie net op die atletiekbaan nie; sy lewer ook wonderlike prestasies op die baan en die swembad. Sy het 'n nuwe OP-Tweekamprekord opgestel met haar punte totaal van 2097.81 (vorige rekord 2090.23).

Die volgende resultate is behaal:

- Zanri Black, 1e met 2097.81 punte.
- Marco Sprong, 1e met 1989.99 punte.
- Jaco Strydom, 2e met 1993.57 punte.
- Zané Jubber, 2e met 1922.49 punte.
- Lienke Els, 2e met 1984.95 punte.
- Jané Steyn, 3e met 1702.10 punte.
- Luhann Sprong, 3e met 1910.51 punte.
- Tanya Boshoff, 3e met 1911.91 punte.



DRIELING SKITTER BY TWEKAMP INTERPROVINSIAAL

Die Bosch-drieling het die afgelope vakansie uitstekend vir die OP-span tydens die SFS Interprovinsiale Tweekamp Kampioenskappe in Bloemfontein presteer. Milan het 'n bronsmedalje, met 1928.04 punte verower. Elsje en Yanné was onderskeidelik vierde en sesde.



MUSIEKUITSLAE:



MUSIEKEKSAMEN:

Matthys Potgieter het onlangs die Trinity graad 3 klaviereksamen in digitale formaat afgelê.

Hy het uitstekend gevaar en 88% vir die eksamen behaal. Baie geluk, Matthys!



BUITESPORT:

Leolin Pietersen, Gr11 en Simonique Grobler, Gr10 het in die September skoolvakansie aan die SA Gym Games vir Trampoline en Tuimel deelgeneem. Hulle twee het albei uitstekend gevaar. Leolin het 4 goue medaljes (1ste) en Simonique 3 (1ste) goue medaljes verower. Hulle twee gaan November SA by die Wêreldouderdomsgroep Kampioenskappe in Birmingham, London verteenwoordig. Ons is baie trots op hulle 2 en wens hulle alle sterkte toe.



FRAMESBY PERSONEEL PRESTEER

Baie geluk aan mnr. Jordan Drury wat gekies is om die dames 45-span, van die Africa Masters International, af te rig wat in November in Johannesburg gehou word.

Baie geluk aan me. Charlene Loftus wat gekies is om aan die Africa Masters international deel te neem wat in Johannesburg gehou word. Die AMI is 'n sleuteldeel van die SA Meestersvoorbereiding en keuring van finale spanne vir die Meestershokkiewêreldbeker wat later in Kaapstad en Nieu-Seeland in 2024 gehou sal word.



BERGFIETS

Framesby Hoërskool se Bergfietsspan hou die skool se naam hoog by die 2023 Nasionale Skolebergfiets Kampioenskappe wat in Brits vanaf 29 September tot 01 Oktober 2023 by Die Hoërskool Wagpos plaasgevind het.

Baie geluk aan die volgende seuns wat deelgeneem het:

Sub Junior:

Jes Santos - 8ste posisie

U/17 Span:

Stephan Roth - DNF - Ongeluk

U/16 Span:

Tian Diedericks - 21ste posisie

U/19 Span:

Marko Delport - 25ste posisie

Ethan Jonker - 20ste posisie



OUDSKOLIERE NUUS:

Baie geluk aan Zack Serfontein wat by NWU as hul 0/19-Speler van die jaar aangewys is.



FRAMESBY OUDSKOLIERE



ONS GESELS MET: JANINE KRUGER(NÉE VAN WYK)



Sjoe, nou moet ek eers in die argiewe gaan graaf – letterlik en figuurlik gesproke! In 1985 het ek my eerste tree as ‘n standard sessie op die skoolgronde van Framesby geloop en in 1989 het ek vir die laaste keer deur die skoolhekke as ‘n matriekleerling gestap.

Ek was bevoorreg om vanaf standard ses to matriek in die meisies se eerste drilpeloton te wees. Die kompetisies was altyd baie lekker en ons was ook by menige geleentheid as die algehele wenners aangewys. Die toer na die SADF Soldoedies in George sal ek nooit vergeet nie – wat ‘n ervaring was dit nie! Ek dink nie ek het baie saalbyeenkomste bygewoon nie – en nee, ek het nie skool ge-“bank” nie. Ons drilpeloton het soggens voorskool ge oefen asook tydens saalbyeenkomste; natuurlik met mnr Kritzinger se goedkeuring!

Ek was ook betrokke by tennis, netbal, hokkie, landsdiens en CSV. In my matriekjaar was ek ook deel van die bestuurspan vir beide landsdiens en CSV terwyl ek ook ‘n kringleier was vir ‘n standard ses groepie. Ander hoogtepunte op skool was die kampe, en dit sluit in die kadet (meisies drilpeloton), landsdiens, en CSV-kampe. Van die “slaap” in tente en in die slaapgeboue by Boknes en Jeffreys, kan ons seker nog vandag oor droom, want dit was eintlik die tyd waar ons meisies lekker gesels het. Ons het verseker vir juffrou Karen Olivier and mnr Thys van Zyl baie grys hare gegee. In my matriekjaar was ek gekies as een van ‘n groep om die Oos-Kaap by die nasionale landsdienskamp in Johannesburg te verteenwoordig.

In standard 8 (dis nou graad 10) het ek Engels by mnr Frans du Toit gehad. Hy het aan die einde van die eerste kwartaal Framesby verlaat en is deur mnr Barnard vervang. Die eerste dag wat ons Engels by die “nuwe” meneer het, het ek die verkeerde dag se boeke ingepak ... toe moes ek gaan om verskoning vra dat ek nie die regte boeke het nie. Wiskunde by juffrou Johanna Geldenhyus en mnr Anton Gerber was nooit vervelig nie. Ek kan ook dieselfde sê van Rekeningkunde by juffrou Marion Thomas (die nuwer generasie skoliere ken haar as mev De Jager). Nou hoe kan ek dan vir juffrou Mariekie Landman en mnr Kliengerhofer

vergeet ... die Xhosa (en natuurlik fudge) en Duitse klasse was altyd baie pret ... veral as ons moet mondeling praat en die uitsprake nou nie te waffers was nie.

Na skool het ek BCom met Rekenaarwetenskap en Ondernemingsbestuur as hoofvakke (1993), asook my BCom Honneurs in Ondernemingsbestuur (1994) by die destydse UPE voltooi. In 1994 het ek my loopbaan as dosent by die destydse Vista Universiteit (PE-kampus, nou Missionvale kampus) begin. Ek het later my Meestersgraad (2004) en PhD (2013) beide in Ondernemingsbestuur by Vista Universiteit en Nelson Mandela Metropolitaanse Universiteit, onderskeidelik voltooi. 'n Hoogtepunt in my beroep was toe ek my intreedende op 8 September 2021 as professor in die Department van Ondernemingsbestuur by Nelson Mandela Universiteit gegee het. Tans doseer ek Finansiële Bestuur vir finalejaar studente, asook Beleggingsbestuur vir Honneurs studente. Verder is ek ook betrokke by nagraadse navorsingstudies van Honneurs-, Meesters- en Doktorale studente.

Op 'n meer persoonlike noot – ek het my man Deon in 1990 by 'n CSV eerstejaarskamp ontmoet. Hy is 'n CA(SA) en werk tans by Volkswagen. Ons is geseënd met twee pragtige kinders. Duan (gematrikuleer in 2017; BCom Rekeningkunde voltooi in 2021) is tans besig met sy internskap by 'n ouditeursfirma en Anke (gematrikuleer in 2021) gaan BCom Bemaking by NMU studeer. Dus het my voetspore nie in 1989 by Framesby opgehou nie, maar in 2021.

Al trap ek nie meer voetspore op Framesby se gronde nie, hou ek die ontwikkeling en groei van die skool met trots dop. Vir die skoliere wat tans besig is met hul skoolloopbaan wil ek aanmoedig om elke geleentheid met beide hande aan te gryp. Framesby bied soveel groeigeleenthede aan skoliere, hetsy op die sport- of kultuurgebied, maak gebruik daarvan. Neem aktief deel aan dit waarin jy belangstel en leef jou uit in dit wat jy doen.

Laastens wil ek vir al die leerders en spesiaal vir die matrikulante voorspoed toewens met die finale eksamen wat op hande is. Dus wil ek wil afsluit met my gunsteling teksvers: "Christus gee vir my die krag om enige iets te doen." (Fil 4:13 ABA)

Janine Krüger (nee van Wyk)



OUDSKOLIERE BERIGTE:

Indien jy iemand vir die Oudskoliere-berig wil nomineer, kontak ons gerus : mediasentrum@framesby.co.za.

Ons wil graag berigte plaas van al ons oudskoliere, maar benodig hul selfoonnommer/e-pos om kontak te maak.

Dis altyd lekker om te hoor waar ons oudskoliere hulself vandag bevind sowel as om terug te kyk na almal se Framesby herinneringe.

OUDSKOLIERE MEMORABELIA:

Ons wil graag memorabelia vir ons oudskoliere ontwerp en laat maak. Enige voorstelle kan na mediasentrum@framesby.co.za ge-epos word.



KATE GOUGH 8A
PIPPA NEAL 8A

Hulle slaag die Unisa Graad 2 Klavier eksamen met Eervolle Vermelding.

KLUB 1000/100

WORD DEEL VAN 'N HOËRSKOOLOF VAN UITNEMENDHEID

Sluit aan by Framesby se Klub 1000/100 en word deel van 'n skool van uitnemendheid. Na vele navrae van ons alumni is die konsep van dié Klub gebore. Klub 1000/100 gee almal die kans om steeds betrokke te wees by die skool en die blink toekoms daarvan te verseker. Dit maak nie saak of jy nog in Suid-Afrika of oorkant die waters bevind nie. Jy kan 'n bydrae maak!

'n Maandelikse bydrae van R100 kan in die Framesby Opvoedkundige trust gedeponeer word. Hierdie trust word aangewend vir die welstand en vooruitgang van die skool. Die fondse sal deur die Trust bestuur word. Die aanwending van die befondsing sal bepaal word deur die skool en die Trust se komitee. Daar sal elke jaar 'n finansiële verslag deurgegee en geaudit word. Die proses is dus deursugtig en lede kan sien hoe hul skenkings aangewend word.

Op Maandag, 7 Augustus 2023 sal daar 'n video aan ons ouers en oudskoliere uitgestuur word wat die hele proses verduidelik. Die video sal ook op ons Youtube-kanaal, webwerf en Facebook-Blad beskikbaar wees. Die debietordervorm sal op ons webtuiste onder die Klub 100/100 "tab" beskikbaar wees.

PROSES OM BY DIE KLUB 1000/100 BETROKKE TE RAAK

- 1) Laai aansoekvorm van Hoërskool Framesby se webtuiste af.
- 2) E-pos voltooiëde vorm na rterblanche@framesby.co.za
- 3) U naam sal weekliks in die Fakkelflitse onder Klub 1000/100 lede verskyn.
- 4) Hou ons groeiende barometer dop. Dit sal op die voorblad van die Fakkelflitse verskyn.

Dankie aan oudleerders, ouers, onderwysers en passievolle ondersteuners vir u bydrae.



FRAMESBY-OPVOEDKUNDIGE TRUST

KLUB 1000/100

lede

Marius Germishuys (*skoolhoof*)
Mariaan Botha (*ouer*)
Karl du Preez (*oudouer*)
Anél Ferreira (*ouer*)
Mornay Heunis
Sonia & Arthur Gunn (*ouers*)
Christiaan Beyers Knoetze (*oudskolier*)
Niel Louw (*ouer*)
Rinaldo Loftie-Eaton (*oudskolier*)
KA Reyneke
Petra Gouws (*BL Finansiële-voorsitter*)
Keagan Tait (*oudskolier*)
Wynand Wessels (*ouer*)
Werner Edwin Olivier (*ouer*)
Gerhard Meiring (*oudskolier*)
Ernst Stapelberg (*oudskolier*)



Vorms beskikbaar op ons webtuiste!

FRAMESBY

OUDSKOLIERE (FOS)

Beste Oudskolier

Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na fos@framesby.co.za sal e-pos:

- NAAM EN VAN :
- NOOIENSVAN:
- ID-NOMMER:
- JAARTAL GEMATRIKULEER:
- ADRES:
- PROVINSIE:
- BEROEP:
- TELEFOON:
- SELFOONNOMMER:
- E-POSADRES:

U inligting bly hoogs vertroulik.

Die rede hoekom ons u ID-nommer benodig, is om te verhoed dat ons duplikate op ons sisteem stoor.



Hoërskool
Framesby *Hoërskool Framesby*

(Afrikaansmedium)

HOKKIE-AFRIGTERS

Geleenthede beskikbaar vir afrigters wat op 'n deeltydse basis wil betrokke raak. Neem in ag dat afrigting in die middag plaasvind.

- Diensaanvaarding: Vir 2024
- Sluitingsdatum vir aansoeke: 30 November 2023
- E-pos volledige aansoeke en afrigtingskwalifikasies na:
skoolhoof@framesby.co.za

Hoërskool Framesby



WOLKSKOOL DATA

454

AANTAL AKTIEWE LEERDERS

TOTALE GETAL INTERAKSIES VIR 2023

17665

936

TOTALE GETAL INTERAKSIES DIE
MAAND

GETAL LEERDERS INGETEKEN DIE MAAND

210

38.909

GEMIDDELDE INTERAKSIES VIR 2023

GEMIDDELDE INTERAKSIES VIR DIE
MAAND

2.0616

27156

TOTALE GETAL LESPORTE VOLTOOI
IN 2023

TOTALE GETAL LESPORTE VOLTOOI DIE
MAAND

10775

21

AANTAL AKTIEWE ONDERWYSERS

TOTALE GETAL INTERAKSIES

1312

13

GETAL ONDERWYSERS INGETEKEN
DIE MAAND



IT'S TIME TO
PARTY!



POWDER PARTY
POPPER
30cm; Assorted
39⁹⁹



PARTY SPARKLERS
6-Piece; 18cm
9⁹⁹

Come join the
Crazy Party in
over 470 stores!

CONFETTI PARTY
POPPER
30cm; Assorted
49⁹⁹



PARTY SPARKLERS
6-Piece; 71cm
49⁹⁹

